

PERATURAN DAN SYARAT TAWARAN KEMASUKAN SIDANG AKADEMIK 2022/2023

Tawaran ini tertakluk kepada syarat dan peraturan di bawah :

1.0 Sebagai Siswa Berdaftar USM siswa tertakluk kepada syarat peraturan dan undang-undang berikut:

1.0.1 Dikehendaki patuh kepada :

- a. Semua Undang-Undang Negara;
- b. Akta Universiti dan Kolej Universiti 1971 (AUKU 1971) dan Perlembagaan Universiti Sains Malaysia;
- c. Kaedah-kaedah Universiti Sains Malaysia (Disiplin dan Tatatertib Pelajar-Pelajar 1999);
- d. Statut Universiti, Kaedah serta Peraturan Universiti termasuk yang berkaitan dengan Peraturan Pencalonan Pilihanraya Majlis Perwakilan Pelajar;
- e. Polisi dan keputusan Lembaga Gabenor Universiti, Senat Universiti, Pengurusan Tertinggi Universiti dan Majlis-Majlis Pusat Pengajian yang berkenaan;

1.0.2 Mestilah bersedia membayar semua yuran pengajian dan yuran-yuran lain dalam tempoh yang ditetapkan tertakluk kepada Peraturan Kewangan Universiti.

1.0.3 Dikehendaki sentiasa berpakaian kemas dan sesuai dengan keperluan program pengajian yang diikuti (rujuk etika kod pakaian).

1.0.4 Dikehendaki mengambil bahagian dalam kegiatan akademik, kebudayaan, sukan, sosial, serta khidmat masyarakat yang dilaksanakan oleh universiti bagi memastikan keseimbangan sahsiah dan akademik.

1.1 Mendapat sekurang-kurangnya Tahap 2 (*Band 2*) dalam *Malaysian University English Test (MUET)* atau setaraf yang diluluskan oleh Senat Universiti mengikut program-program tertentu.

1.2 SYARAT TAMBAHAN SUSULAN PENULARAN WABAK COVID-19:

Siswa perlu menanggungkan pendaftaran dan memaklumkan kepada **Unit Pengambilan Pelajar, Bahagian Pengurusan Akademik, Jabatan Pendaftar** serta mengemukakan dokumen berkaitan sekiranya:

- i) Mengalami gejala COVID-19 sebelum atau semasa hari pendaftaran.
- ii) Menerima Perintah Pengawasan dan Pemerhatian di Rumah (Akta Pencegahan dan Pengawalan Penyakit Berjangkit 1988) oleh Kementerian Kesihatan Malaysia (KKM) dalam tempoh 14 hari sebelum pendaftaran.
- iii) Mempunyai kontak rapat dengan pesakit yang disahkan positif COVID-19 atau individu yang masih dalam siasatan COVID-19 dalam tempoh 14 hari sebelum pendaftaran.
- iv) Sebarang urusan pengendalian melibatkan risiko COVID-19 akan ditangani mengikut SOP yang telah ditetapkan oleh Pusat Pengurusan Bencana USM (Nerve Centre).

- 1.3 Sekiranya siswa sedang bekerja, adalah menjadi tanggungjawab siswa untuk mendapatkan kebenaran majikan bagi mengikuti program pengajian yang ditawarkan.
- 1.4 Sekiranya siswa didapati dan dibuktikan telah atau sedang melakukan sebarang perkara yang bertentangan dengan syarat-syarat di atas, tindakan yang termaktub dalam peraturan dan undang-undang akan diambil.
- 1.5 Siswa juga hendaklah mengisytiharkan apa-apa penglibatan siswa dalam mana-mana persatuan, parti politik, kesatuan sekerja atau mana-mana perkumpulan semasa. Pada masa siswa menjadi Siswa Berdaftar, siswa adalah tertakluk kepada syarat-syarat yang termaktub di bawah perkara 1.1.1 (b) di atas.
- 1.6 Siswa **diwajibkan** mengikuti Kursus Pimpin Siswa yang dianjurkan oleh pihak universiti. Tarikh dan tempat akan dimaklumkan kemudian oleh Bahagian Hal Ehwal Pembangunan Pelajar dan Alumni (BHEPA), USM.
- 1.7 Nama siswa akan digugurkan atau dibatalkan dari USM, sekiranya didapati berstatus siswa di mana-mana Universiti Awam lain.
- 1.8 Siswa **diwajibkan** mengambil bahagian dalam semua aktiviti Program Siswa Lestari. Semua siswa Tahun 1 diwajibkan menginap di desasiswa sepanjang Program Siswa Lestari berlangsung.
- 1.9 Pihak Universiti berhak menolak permohonan ini, menarik kembali tawaran masuk atau mengarahkan siswa keluar dari Universiti Sains Malaysia dan penaja berhak menarik kembali tawaran biasiswa atau pinjaman pada bila-bila masa sekiranya mana-mana keterangan atau salinan sijil-sijil yang dikemukakan adalah tidak benar.

- 1.10** Siswa dikehendaki melapor diri sebagai siswa pada tarikh yang ditetapkan. Sekiranya gagal berbuat demikian, mereka hendaklah mendapat kebenaran terlebih dahulu daripada Pendaftar secara bertulis. Sekiranya pihak universiti tidak menerima sebarang maklumbalas dalam tempoh **dua (2) minggu**, tawaran pengajian secara automatik akan ditarik semula.

PERINGATAN

Pihak universiti tidak akan menghantar sebarang peringatan kepada siswa mengenai tawarankemasukan. Tawaran ini akan ditarik balik jika siswa gagal memenuhi syarat tersebut di atas.